



1. revisiun 30-04-2014
2. revisiun 20-04-2018

STATUTS UNIUN SPITEX CADI 2018

Cuntegn

I. Num, sedia, intent, posiziun giuridica -----	4
II. Commembradi -----	4
III. Organisaziun -----	5
a) La radunonza generala -----	5
b) La suprastonza -----	7
c) Organ da controlla -----	8
IV. Finanzas -----	9
V. Disposiziuns finalas -----	10

I. Num, sedia, intent, posiziun giuridica

Num e domicil

Art. 1

Sut il num „Spitex Cadi“ exista in'uniun el senn dad art. 60 ss. CCS. Il territori d'activitad dall'uniun cumpeglia las sis vischnauncas politicas dil cumin dalla Cadi.

La sedia dall'uniun sesanfla mintgamai al domicil dil secretariat. Il liug dalla sedia vegn fixaus entras la suprastonza.

Egualitad dallas schlatteinas

Art. 2

Aschilunsch ch'ei vegn duvrau en quels statuts expressiuns che menziuneschan mo la schlatteina masculina ni feminina, valan quellas per omisduas schlatteinas.

L'uniun ei politicamein e confessiunalmein neutrala.

Intent

Art. 3

L'uniun possibilitescha e promova entras ses survetschs el senn dalla legislaziun federala e cantunala tenor art. 31 dalla lescha per promover la tgira da persunas malsaunas (LTM) ¹⁾ il habitar a casa per carstgauns da tuttas gruppas da vegliadetgna che han basegns da tgira, sustegn el tenercasa, assistenza, accumpignament e/ni cussegliaziun.

Per saver ademplir quellas incaricas vegnan ils survetschs centrals da spitex purschi, numnadamein:

- a) la tgira fundamentala e da tractament
- b) la tgira acuta e transitoria
- c) igl agid el tenercasa
- d) igl accumpignament
- e) survetsch da tschaveras

Sin fundament dils art. 12 dalla lescha da sanadad (LS) ²⁾ ed art. 31 LTM che obligeschan las vischnauncas dad ademplir quels survetschs da spitex a lur populaziun, surdattan las vischnauncas quei pensum all'uniun. L'incarica dallas vischnauncas all'uniun vegn definida ella cunvegna individuala da prestaziun.

L'uniun sa surprender ulteriuras incaricas cun semeglient intent.

¹⁾ DG 506.000

²⁾ DG 500.000

II. Commembradi

Recepziun

Art. 4

Sco commembras dall'uniun san vegnir recepidas da tut temps persunas naturalas che han la habilitad dad agir.

Collaboraturs e collaboraturas activs san buca daventar commembers resp. commembras, han denton il dretg da separticipar alla radunonza generala.

Davart la recepziun dils commembers decida l'administraziun.

Extrada **Art. 5**

Commembers che pagan buca la contribuziun vegnan exclud sin la fin digl onn da gestiun.

Il commember exclud ha il dretg da recuorer a scret enteifer 30 dis tier il president per mauns dalla suprastanza. Vegn quei tal era exclud dalla suprastanza ha el il dretg da recuorer tier il president e la fatschenta vegn decidida proxima radunonza generala ordinaria.

Dretg sin facultad dall'uniun **Art. 6**

Scadin dretg personal dils commembers sin la facultad dall'uniun ei exclud.

Fauturs **Art. 7**

Sco fautur sa mintga persuna naturala e giuridica pagar all'uniun ina contribuziun finanziaria, emporta buca con gronda. Cheutras acquistan ils fauturs negins dretgs da commembradi. Sin giavisch vegnan els denton informai davart las fatschentas dall'uniun.

III. Organisaziun

Organs dall'uniun **Art. 8**

Ils organs dall'uniun ein:

- a) la radunonza generala
- b) la suprastanza
- c) igl organ da controlla

Temps d'uffeci **Art. 9**

La suprastanza ed igl organ da controlla vegnan eligi mintgamai per in temps d'uffeci da treis onns. Reelecziun ei pussevla.

Novs eligi commembers da suprastanza e digl organ da controlla entran en uffeci il meins suenter che la radunonza generala ha giu liug.

Collaboraturs dall'uniun astgan buc appartener alla suprastanza ed agl organ da controlla.

Obligaziun da discreziun **Art. 10**

Ils commembers dalla suprastanza, digl organ da controlla e da tuttas cumissiuns sco era tut ils collaboraturs ein suttamess all'obligaziun da discreziun.

a) La radunonza generala

Art. 11

La radunonza generala ei igl organ suprem dall'uniun. Ella vegn convocada dalla suprastonza silmeins inaga ad onn ed ha liug el decuors digl empren semester. L'invitaziun persunala inclus il rapport da gestiun e las tractandas vegn tarmessa als commembers ed ha da succeder silmeins duas jamnas avon il termin dalla radunonza generala.

En cass da basegns sa la suprastonza convocar ina radunonza extraordinaria.

La suprastonza ei obligada da convocar ina radunonza extraordinaria enteifer 2 meins sin incarica a scret sch'igl organ da controlla ni 1/5avel dils commembers pretendan ei.

L'invitaziun ad ina radunonza extraordinaria succeda sin la medema via sco l'invitaziun alla radunonza generala.

Mintga radunonza, convocada conform agl uorden, ei cumpetenta da decider, independentamein dil diember da commembers presents.

Incaricas dalla radunonza generala

Art. 12

La radunonza generala ha las suandontas incaricas intransferiblas:

- a) eleger il president ed ils ulteriurs commembers da suprastonza sco era igl organ da controlla;
- b) prender enconuschienscha dil rapport da gestiun e dil quen;
- c) approbar il preventiv digl onn current approbaus dalla suprastonza e dil qual igl organ da controlla ha priu enconuschienscha egl onn precedent;
- d) fixar las contribuziuns dils commembers;
- e) fixar las indemniziuns ed il daner da sesida per ils organs dall'uniun;
- f) decider davart expensas ch'eiin buca cuntenidas el preventiv e che survargan la cumpetenza dalla suprastonza;
- g) far contracts davart dretgs reals, dretgs reals limitai ni davart dretgs persunals sin suloms;
- h) approbar reglaments che pertuccan la suprastonza;
- i) tractar ils recuors da persunas singulas;
- j) decider davart las propostas dalla suprastonza e da commembers tenor art. 14 da quels statuts;
- k) decider davart las midadas dils statuts e la dissoluziun dall'uniun.

Decisiuns

Art. 13

Il president empeila la radunonza generala.

Las elecziuns e votaziuns succedan per regla cun maun pli, aschilunsch che silmeins tschun persunas pretendan buca scrutini.

Tier elecziuns decida la maiortad relativa dallas vuschs valeivlas. Tier egualitad dallas vuschs decida la sort.

Tier votaziuns decida la maiortad relativa dallas vuschs valeivlas. Tier egualitad dallas vuschs vala la fatschenta ni la proposta sco refusada.

Propostas	Art. 14 Mintga commember ha il dretg da far propostas per mauns dalla proxima radunonza generala. Las propostas ein dad inoltrar a scret per mauns dalla suprastonza entochen sil pli tard la fin da fevrer cun indicar ils motivs. La suprastonza ei obligada da suttametter quellas propostas alla radunonza generala.
Protocol	Art. 15 Davart la radunonza generala vegn menau in protocol.
Dretg da votar / substituziun	Art. 16 Alla radunonza generala han ils commembers il dretg da votar. La substituziun denter dus conjugals resp. denter duas persunas en in partenadi registrau ei lubida. Persunas ch'ein engaschadas da Spitex Cadi astgan buca surprender ina substituziun.

b) La suprastonza

Cumposiziun	Art. 17 La suprastonza secumpona da treis entochen tschun commembers e seconstituescha sesezza, cun excepziun dil president che vegn eligius dalla radunonza generala. Il menader d'engaschament ed il menader da tgira sco era la menadra dall'administraziun e sia substituta assistan per regla allas sesidas dalla suprastonza cun vusch consultativa. La suprastonza sa delegar incaricas a singuls suprastonts, al secretariat ni a persunas externas.
Incaricas	Art. 18 La suprastonza exequescha tuttas fatschentas ch'ein surdadas ad ella entras leschas, statuts ni reglaments. Ella ei specialmein responsabla per ils suandonts fatgs: a) predeliberar tuttas fatschentas ch'ein da tractar dalla radunonza generala; b) exequir las decisiuns dalla radunonza generala; c) survigilar l'activitad dalla menadra d'engaschament e dalla menadra dall'administraziun; d) preparar il rendaquen annual ed administrar la facultad dall'uniun; e) redegger il rapport annual davart l'activitad dall'uniun e presentar quel alla radunonza generala; f) preparar il preventiv ed informar igl organ da controlla; g) engaschar e relaschar il personal dall'administraziun, il menader d'engaschament ed il menader da tgira sco era nominar tut las funcziuns da cader ch'ei basegna; h) relaschar reglaments tenor basegns cun excepziun da tals tenor art.12 h;

- i) decider davart expensas buca cuntenidas el preventiv, expensas unicas entochen fr. 20'000.-- ad onn ed expensas che serepetan annualmein entochen fr. 10'000.--;
- j) surdar incaricas ella rama dils credits lubi ni dall'atgna cumpetenzza da finanzas;
- k) fixar las tariffas tenor ordinaziun dalla lescha da sanadad;
- l) representar l'uniun anoviars, specialmein visavi las autoritads ed en cass da dispetas giuridicas;
- m) approbar ed adattar la cunvegna da prestaziun individuala cun las vischnauncas;
- n) approbar cunvegna cun tiarzas personas ni instituziuns.

**Convocaziun e
decisiun**

Art. 19

La suprastonza seraduna sin invitaziun dil president aschi savens sco las fatschentas pretendan.

La suprastonza ei cumpetenta da decider, sche silmeins la mesadad dils commembers ei presenta. Mintga suprastont ei obligaus da votar. Il president pren part alla votaziun. En cass d'egualitad dallas vuschs dat el la decisiun da tagl.

La suprastonza sa prender ina decisiun sin via circulara, aschilunsch che negin pretenda ina discussiun a bucca. Ina decisiun circulara ei mo valeivla aschilunsch ch'ella ei unanima ed ei da tractandar e protocollar a caschun dalla proxima sesida da suprastonza.

Davart las tractativas dalla suprastonza vegn ei menau in protocol.

Ella discussiun ni votaziun davart ina fatschenta che pertucca in singul commember dalla suprastonza, siu partenari/conjugal, ses fargliuns ni ina persuna cun la quala el ei parentaus en lingua directa ni cun la quala el ei quinaus, ha el da prender stgisa.

**Dretg da
suttascriver**

Art. 20

La suttascripziun giuridicamein valeivla per l'uniun cumpeta a dus commembers dalla suprastonza, per regla al president ed al vicepresident. Els suttascrivan da cuminonza.

Per ils fatgs da menaschi ha la menadra dall'administraziun ni il menader d'engaschament il dretg da suttascriver tenor il carnet da duers.

Indemnisaziun

Art. 21

Ils commembers da suprastonza s'engaschan da principi gratuitamein, excepuiu ei l'indemnisaziun dallas spesas.

Ina recumpensa als commembers da suprastonza en ina fuorma moderada sa vegnir conderschida. L'altezia dalla conderschida vegn reglada en ina directiva separada che ei dad approbar dalla radunonza generala.

c) Organ da controlla

Eleccziun

Art. 22

Per la revisiun dil quen e la controlla dils affars da suprastonza elegia la radunonza generala in biro fiduziar sco organ da controlla.

Cumpetenzas

Art. 23

Igl organ da controlla examinescha il quen ed ils affars dalla suprastonza tenor reglas da lur professiun. Tier lur duers valan las disposiziuns generalas dil dretg d' obligaziuns art. 727 – 730. Plinavon dattan els plaid e fatg a caschun dalla radunonza generala.

En cass problematicas sa igl organ da controlla convocar ina radunonza generala extraordinaria.

Ils detagls vegnan terminai en in contract separau cun la suprastonza.

IV. Finanzas

Finanziaziun

Art. 24

La finanziaziun dall'uniun succeda entras:

- a) entradas per survetschs prestai tenor art. 31a LTM ¹⁾
- b) cumpart dil client tenor art. 31b al. 1, 2 e 3 LTM
- c) contribuziuns dil cantun e dallas vischnauncas tenor art. 31c al. 1, 2 e 4 LTM
- d) assicuranzas da malsauns (prestaziuns dalla assicuranza obligatoria)
- e) contribuziuns da commembers
- f) donaziuns
- g) recavs dalla facultad

¹⁾ DG 506.000

Onn da gestiun

Art. 25

Igl onn da gestiun corrispunda agl onn calendar.

Prestaziuns dallas vischnauncas

Art. 26

Per las suandontas prestaziuns tenor art. 31c al. 1 LTM ²⁾ ein las vischnauncas obligadas da prestar contribuziuns finanzialas:

- a) prestaziuns da tgira
- b) prestaziuns da tgira acuta e transitoria
- c) prestaziuns dad agid el tenercasa ed accumpignament
- d) survetsch da tschaveras

La cumpart dallas contribuziuns dil cantun e dallas vischnauncas ei stipulada en art. 31c al. 2 LTM.

Tenor art. 31c al. 4 LTM ei la vischnaunca, en la quala il client ha siu domicil, obligada da surprender la contribuziun finanziaria.

²⁾ DG 506.000

Responsabladad Art. 27

Per las obligaziuns dall'uniun ei mo la facultad dall'uniun responsabla.

V. Disposiziuns finalas

Revisiun dils statuts Art. 28

Per reveder ils statuts drova ei il consentiment da 2/3 dallas vuschs dils commembers presents alla radunonza generala.

Dissoluziun Art. 29

Davart la proposta da dissolver l'uniun ni da fusiunar cun in'otra organisaziun basegna ei dad ina radunonza generala d'informaziun e dad ina secunda radunonza generala da decisiun.

La decisiun da dissoluziun drova il consentiment da 2/3 dallas vuschs dils commembers presents e la presenza dil pli dallas vischnauncas cun la cunvegnientscha da prestaziun individuala alla radunonza generala.

En la radunonza da dissoluziun ha mintga vischnaunca cun la cunvegnientscha da prestaziun individuala il dretg da votar.

En cass dad ina dissoluziun va la facultad en in fondo che vegn administraus dallas vischnauncas cun la cunvegnientscha da prestaziun individuala entochen ch'ins ha fundau in'organisaziun cun il medem ni semegliont intent.

Entrada en vigur Art. 30

Quels statuts ein vegni approvai dalla radunonza generala dils 20 d'avrel 2018 e remplazzan tut ils statuts precedents. Els entran en vigur retrospectiv cun gl' 1. da schaner 2018.

Mustér, ils 20 d'avrel 2018

Il president:



Adelrich Berther

Igl actuar:



René Epp